



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 2. Cordubæ Comitia provincialia celebrantur.

urn:nbn:de:hbz:466:1-38528

HISTORIÆ
PROVINCIÆ PARAQUARIÆ
SOCIETATIS JESU
LIBER DUODECIMUS.



ESTIS Cordubam infestare pergens, utilissimorum Sociorum capita demessuit. Januario mense Cæsar Gratianus, Bovini in Appuliâ natus, præcipuum Collegii Academicorum ornamentum & deliciæ, ad plures transiit. Hunc Inigus Guevata, Bovini Dux, Societati pepererat, qui optimæ spci clientem Societatis Provinciali commendare infra dignitatem suam non est arbitratus. Tyrocinio & Philosophiæ curriculo Neapoli feliciter emenso, post Constantinopolitanam expeditionem frustra ambitam, in Paraquariam mitti meruit. Cordubæ Tucumanorum litteris divinis excultus, triennio Aristotelis artes, decennio Theologiam, summâ cum laude docuit. Quamquam nemini dubium erat, eum violenter Magistrali cathedræ affixum: adçò dissimulare non poterat inflammata desideria Apostolicarum missionum ad Indos. Sed Provinciæ Moderatores hominem litteratissimum, & virtutum Religiosarum exemplar, constanter in Academiâ detinebant, exemplo, voce, industria, juvenibus nostris maximè profuturum. Frustrata magnarum missionum vota compensabat brevibus ad suburbanos Indorum pagos excursionibus & urbicis laboribus: peste grassante omnibus aderat, Indos, Æthiopes, & Hispanos juvans, quo in opere lethali contracto morbo, magno omnium dolore elatus est. Nec minor jaætura fuit in Blasio Gutieres, disparis conditionis homine. Castellanus is erat, & ætate grandior in Americam navigans, Torribii, Limensis Archiepiscopi servitio se addixerat: quo morte sublato, Alfonso Riberæ Prætori adhærens, ad Chilense regnum se contulerat, in cuius regni metropoli Divi Ignatii exercitiis excultus, in Societatem nostram admissus est. Cordubæ per viginti annos, summâ omnium approbatione, valetudinarii curam exercuit. Vir omnium virtutum, egregiâ præsertim caritate inflammabatur. Domesticis æquè ac externis aderat, ad infima quæque & sordida officia devolvebatur, è quibus sordibus tantam sibi claritudinem conciliavit, ut pro sancto ab omnibus celebraretur. Sancti Xaverii æmulus, aposthematis pus non semel (uti supra narratum est) ore expressit. Indum hominem, ipsa spurcitie fœdiorem, & ex ulcere tantam mephystum exhalantem, ut è cubiculo alterum Socium fœtore intolerabili pñè examinatum extruderet, non tantùm ipse sustinuit, sed etiam emplastrum turpi sanie conspurcatum, nullâ stomachi commotione, ori admovit. Religiosum hominem è Divi Dominici familiâ fœdo morbo laborantem curans, contagione ægritudinem ipse contraxit, adeò tetricum, ut per plures deinceps annos fermè semper ulcerosis carcinomatibus ejus corpus, ingenti cum dolore, fœdaretur. Nec tamen desistebat ab ordinariis operis, quoad luc affectis serviens, ex afflito corporis domicilio meliore sui parte eluctaretur.

ADULTO jam anno, comitiis Provincialibus Cordubæ habitis, Franciscus Diastanus in Procuratorem eligitur. Episcopus Tucumanensis, Melchior Maldonatus, ad Provincialem & Patres congregatos datis litteris, diœcesis sua statum multis verbis deplorans, rogavit, vellent in se suscipere curam Indorum Tucumanium omni ope destitutorum. Ad quod præstandum, amplissimâ porestate instruxit Sacerdotes omnes ab ipso Provinciali eligendos. Præterea alteras litteras

planè

CAPUT

I.
De Cæsaris
Gratiani &
Blasii Gu-
tieres vir-
tutibus.

1637.

Cæsar Gra-
tianus Con-
stantinopoli-
tanam mis-
sionem am-
bit.Et ad Indos
mitti.Blasius Gu-
tieres in
Americam
navigat.Valetudina-
rii curans
exercet.Pus ore ex-
primit.CAPUT
II.
Cordubæ
comitia
Provincia-
lia celebra-
tur.

Littera Episcopi Tucumanienſis.

Tucumania statua.

Chaqueñsis officio decurrit.

CAPUT
III.
De reliquâ Antonii Ruisii vitâ.

Ruisius in Brasiliam navigat.

Et in Europam.

Ab D. Ignatio sanatur.

Apid Regem remandatorum agit.

planè honorificas, Regi Catholico inscriptas, & ab Francisco Diaſtanio Madritum deferendas, misit, quatuor co[n]pendium h[ic] attexere non pigebit. *Philippe Rex Catholice, Regia Tha Majestas, missis ad decessorem meum litteris petiit, ut ad Te diligenter perscriberetur, quantâ Tucumanensis Diœcesis idoneorum Religiosorum inopiam laboreret, ut c[on]tra cognita de remedio provideatur. Cui mandato non difficulter satisfaciam, quod è quatuor Tucumanie partibus, tres ipse per me lustraverim. Tucumania tota quadrigentas leucas complexa, octo Hispanorum oppida, & aliquot terrarum tractus multis Neophytorum millibus frequentes, habet; quorum Neophytorum magna pars, deficiensibus Sacerdotibus, nuncio Christiana Religioni remisso, ad avitos mores rediit. Alias etiam terras amplectitur multis Ethnicorum millibus constantes. Quod ad Neophyto pacatos attinet, octo omnino regiones sunt Sacerdotibus carentes, sine ipse aliquando habendi: nam cùm singulis Hispanorum urbibus singuli fermè tantum Sacerdotes præsent, quanta sit reliquorum locorum incuria, facilis conjectatio est. Omnibus adesse ipse unus non possum: unde fit, ut multorum anima[rum], Christi Sanguine redempta, Tibi & mihi, ô Rex Catholice, commissa, ad inferos demergantur. Nonnulli quidem Sacerdotes aliquot in locis præsent Neophytis, sed magnam partem ad tantum munus inidonei. Aliorum Religiosorum virorum Ordines ob paucitatem vix sibi & choro pro instituto suo sufficiunt. Quare in his regionibus unica IESV Societas est, in quam, Tuam, ô Rex, meamq[ue] conscientiam exoneremus. In comperto est, IESV Socios diu noctu[m] in salutem Hispanorum atque Indorum in urbibus invigilare; nuper verò à Patribus Cordubæ congregatis Majestatis Tue nomine interposito postulavi, ut felicitantur Socii idonei ad Chaquensem provinciam non armis ferreis, sed gladio verbi Divini iterum tentandam; simulq[ue] emittantur ex urbibus excursores, qui pagos Indorum, villas Hispanorum, majori numero rus, quām urbes incolentium, sacris destitutorum adeant. Quamvis verò Provincialis vereatur, ne ob id eadem Socii patientur, que in Paraquaria; nihilominus spendet ex omnibus Collegiis emitendos Socios, totam Tucumaniam peruvagaturos. Quod nequamquam præstare poterunt, nisi evacuentur Collegia. Quocirca Majestatem Tuam per Sanguinem Christi supplex rogo, ut quadraginta Socios Procuratori in Hispaniam propediem navigaturo, pro mea Diœcesi concedas, quos ego sumptibus meis advocarem, n[on] Episcopatus mei censum tenuitas officeret. Hæc Episcopus Maldonatus. Iisdem Comitiis Provincialibus decreta Chaquensis expeditio: & Antonius Ruisius, Guairanæ & Tapensis provincia depopulationis spectator, in Hispaniam eo fine navigare jussus est, ut Francisco Diaſtanio Romanâ procuratione occupato, apud Regem Catholicum, Senatumq[ue] Regium, afflcta Paraquaria statum, Mamalucorum ferociam, periculumq[ue] ulterioris damni referret: quo, quia imposterū carituri sumus, iubet reliqua ad ejus vitam spectantia carptim enarrare, ne tanto homini, de nostra Paraquaria meritissimo, injurias videar, & simul rebus instituto meo servientibus consulam.*

ANTONIUS Ruisius cum Francisco Diaſtanio è portu Boni-aëris solvens, felici navigatione Januariensem Brasiliæ portum paulò post tenuit. Semestri spatio ibi commoratus, ausus est, non sine Divino nutu, in Mamalucos coloniarum nostrarum destructores, eorumq[ue] fautores, pro concione invehere, optimo successu: aliquot mortalibus ad restituendos captivos rationum vi permotis. Ibidem authentica instrumenta, Mamalucorum invasiones damnantia, ab Brasiliæ Magistris accepit, magno usui futura apud Regem Catholicum, Indoru[m] sus curaturo. In Lusitaniam navigans, classarios inter se dissidentes, & tantum non armis dissidium dirimentes, autoritate compescuit. Ullisippone Madritum pergens, in morbum periculosum incidit, à quo Divi Ignatii ope convaluisse creditus est. Madriti Philippum Quartum Regem Catholicum, solitum compati Indorum calamitatibus, faventissimum habuit: quilecto querelarum, quas adferebat, contra Mamalucos libello, ex Senatibus Regis Castellanæ & Lusitanæ coronæ delectum integrorum vitorum haberet voluit, apud quos Ruisius, serie invasionum relatâ, de remedii tantorum malorum ageret. Porro postulatorum summa hæc fermè fuit. Juberet Rex legem, anno hujus saeculi undecimo Ullisippone latam, quâ prohibebantur